

Sarajevo, 30.12.2022. godine

ZA:

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**N/r. Predsjedavajućeg Skupštine Kantona Sarajevo**

U skladu sa članom 106. i 213. Poslovnika o Skupštine Kantona Sarajevo, dostavljam:

### **ZASTUPNIČKA INICIJATIVA**

Prema Vladi Kantona Sarajevo:

Za uspostavljanje Programa: “Sarajevo – Središte IT industrije”, koji uključuje:

- 1) Da se u 2023. godini usvoji Program izdvajanja za podršku programima edukacije i prekvalifikacije za pozicije u IT sektoru u saradnji sa Univerzitetom u Sarajevu, reprezentativnim udruženjima i asocijacijama iz IT sektora, a posredstvom Službe za zapošljavanje Kantona Sarajevo;
- 2) Da Ministarstvo za odgoj i obrazovanje uspostavi saradnju sa međunarodnim donatorima na projektima koji će doprinjeti značajnijem uključivanju učenika osnovnih i srednjih škola u STEM sekcije i programe;
- 3) Da Ministarstvo privrede Kantona Sarajevo poveća finansijska izdvajanja i proširi kriterije za start-up fond za podršku mikro, malim i srednjim preduzećima – start-upima mlađim od 5 godina koji su fokusirani na razvoj IT usluga i razvoj mogućnosti i usluga od podrške IT sektoru, uključujući usluge prekvalifikacije i dodatna usavršavanja za IT usluge.
- 4) Osigurati posebno izdvajanje u Budžetu Kantona Sarajevo za 2023. godinu za provedbu inicijative “Sarajevo – Središte IT industrije” kao strateškog cilja nove Vlade Kantona Sarajevo uz prethodnu procjenu neophodnih finansijskih sredstava.


## **OBRAZLOŽENJE:**

Uslijed rastuće IT outsourcing industrije u Sarajevu, sve više raste potražnja za datim profilima radnika i radnica. Istovremeno posljedično sve više raste interes za IT školovanje. Međutim, još uvijek nedostaju ozbiljna ulaganja u IT inovacije, ali i u ljudske resurse kada su u pitanju postojeći programi prekvalifikacije i dokvalifikacije koji su na raspolaganju nezaposlenim osobama ali i osobama koje rade na poslovima sa nižom stručnom spremom pri Službi za zapošljavanje Kantona Sarajevo. Realizacijom gore navedenog programa koji podrazumjeva rad na daljinu prema stranim tržištima i različiti servisi on line poslovnog savjetovanja (business processing outsourcing i remote work) koji nudi i šanse da mlade ljude zadržimo u Bosni i Hercegovini, a da pri tome zarađuju „zapadne“ plate.

Uzimajući u obzir da je za ovu inicijativu potrebno izjašnjenje Vlade Kantona Sarajevo budući da ista ima finansijske efekte, molim da se ista uputi prema Vladi Kantona Sarajevo.

Molim Vas da odgovor na inicijativu dostavite i u elektronskoj formi na službeni mail [jelena.pekic@skupština.ks.gov.ba](mailto:jelena.pekic@skupština.ks.gov.ba)

S poštovanjem,

*Jelena Pečić*  
  
*Zastupnica u Skupštini Kantona Sarajevo*